

## 80. fundur

Þann 3 febrúar 2014, kl 10 var haldinn fundur í stjórn Byggðasafns Vestfjarða í geymsluhúsnæði Byggðasafnsins í Neðstakaupstað. Mættir voru Daníel Jakobsson, Elías Jónatansson, Ómar Jónsson, Jón Sigurpálsson og Björn Baldursson sem ritar fundargerð.

### 1. Fjárhagsáætlun 2014.

Ekki hefur verið gengið frá fjárhagsáætlun fyrir 2014 en forstöðumaður og bæjarstjóri Ísafjarðarbæjar munu hittast og ganga frá henni mjög fljótlega og taka tillit til þeirra liða sem best hafa við, s.s. Vélsmiðjunnar á Þingeyri o.fl.

### 2. Vélsmiðjan á Þingeyri (Verk og framkvæmdaáætlun).

Eftir er að ganga formlega frá yfirtöku Byggðasafnsins á Vélsmiðjunni á Þingeyri. Tillaga kom um að hafa Þórir Örn Guðmundsson sem skrifaði skýrslu um málefni Vélsmiðjunnar með á næstu fundum stjórnar safnsins. Tillaga kom fram um að starfsmenn Byggðasafnsins yrðu í nánu samstarfi við hann um hvernig málum yrði hagað í sumar, fyrirkomulag og opnunartíma. Athuga þarf með leyfi og þ.h. varðandi þá breytingu að smiðjan verði skilgreind sem safn. Stungið upp á að festur yrði tími einu sinni í viku t.d. þar sem sýnt yrði hvernig málmsteypa fer fram.

### 3. Safn Jóns Sigurðssonar á Hrafnseyri. Drög að samningi. (Kostir og gallar yfirtöku miðað við samningsdrög.)

Stjórn og forstöðumaður voru sammála um að athuga þyrfti vel kosti og galla þess að taka yfir rekstur á Hrafnseyri, athuga með starfsmann og hvernig væri hægt að nýta hann sem best í þágu safnsins og Hrafnseyrar. Vilji var hjá sumum stjórnarmönnum að láta reyna á þetta og ef það gengi ekki upp að segja þá upp samningi. Hugmynd kom upp um að fagrád safna tæki málið til umfjöllunar og var ákveðið að funda með því um málið fljótlega. Rætt um að forstöðumaður setti fram hugmyndir um hvernig hann sæi Hrafnseyri fyrir sér í framtíðinni miðað við þær forsendur að Byggðasafnið tæki safnið yfir áður en eitthvað verður ákveðið frekar um málið.

### 4. Nýbygging, staða mála.

Daníel sagði að hann hefði sent forstöðumanni Umhverfisstofnunar póst varðandi málið þar sem hann óskar eftir svörum um hvort fjárheimildir séu fyrir framkvæmdinni frá þeirra hálfu. Ómar hefur athugað hvernig sé með endurgreiðslu Vsk og það mun vera hægt að fá hann endurgreiddan að nokkrum skilyrðum uppfylltum.

### 5. Bréf Sigríðar Helgadóttur (Geymsluhúsnæði á Þingeyri).

Geymslumál safnsins eru í ólestri og það vantar sárlega meiri geymslur. Verið er að vinna að lausn málsins með bæjartækniþræðingi og forstöðumanni falið að svara bréfinu og gera grein fyrir því.

### 6. Önnur mál.

#### a) Ársfundur safnamanna.

Ársfundur safnmanna er í Berlín í september og munu starfsmenn Byggðasafnsins sækja hann.

**b) Safnaslóð við Djúp.**

Starfsmenn safnsins hittu fulltrúa Melrakkaseturs og Náttúrustofu og var ákveðið að gefa út afsláttarkort til notkunar á söfnunum fjórum þ.e. Náttúrugripasafn Bolungarvíkur, Ósvör, Melrakkasetri og Byggðasafninu. Þetta er tiltölulega auðveld og einföld útfærsla á nokkurs konar safnapassa.

**c) Kynningarmál.**

Forstöðumaður hafði orð á því að mikill peningur færi í kynningarmál, auglýsingar og þ.h. og dró í efa að það skilaði sér. Taldi hann upp þær auglýsingar sem safnið tekur þátt í og leitaði álits stjórnar á þessum málum, hvort halda ætti að sér höndum. Tóku menn undir það að gæta þyrfti hófs í auglýsingum..

**d) SÍS (Samband Íslenskra Sjóminjasafna)**

Forstöðumaður greindi frá styrk sem hann sótti um til matsvinnu um varðveislugildi báta. 1.000.000 króna fékkst til verksins. Byggja þarf upp kerfi eða skala þar sem varðveislugildi báta er metið með tilliti til hinna ýmsu þátta, s.s. byggingarlags, sögu, sérkenna o.fl. Vinna við uppbyggingu kerfisins er vel á veg komin og er notast við s.k.SAVE kerfi sem notað er í sambærilegum tilgangi til mats á varðveislugildi húsa.

**e) Skráningarvinna.**

Stjórnarmönnum gefin innsýn í skráningarkerfið Sarp. Nýverið festi safnið kaup á myndavél til ljósmyndunar á munum safnsins.

**f) Líkan af Ísafirði 1866.**

Forstöðumaður kom á framfæri athugasemd varðandi líkanið af Ísafirði sem staðsett er á 2 hæð Stjórnsýsluhússins og er í eigu Ísafjarðarbæjar. Lekið hefur ofan á líkanið og huga þarf að því að verja það frekar og lagfæra þarf ýmislegt sem hefur skemmst eftir að það var sett upp. Daníel sagði að Byggðasafnið yrði að hafa umsjón með þeim lagfæringum.

Fleira ekki gert og fundi slitið kl 11:40

Daníel Jakobsson, bæjarstjóri Ísafjarðarbæjar  
Elías Jónatansson, bæjarstjóri Bolungarvíkurkaupstað  
Ómar Jónsson sveitarstjóri Súðavíkurhrepps  
Jón Sigurpálsson, forstöðumaður.  
Björn Baldursson, starfsmaður.

**81. fundur.**

Þann 2. apríl 2014, kl. 10,00 var haldinn fundur í stjórn Byggðasafns Vestfjarða í geymsluhúsnæði Byggðasafnsins í Neðstakaupstað. Mættir voru Daníel Jakobsson, Elías Jónatansson, Ómar Jónsson, Jón Sigurpálsson og Björn Baldursson, sem ritar fundargerð.

### 1. Fjárhagsáætlun ársins 2014

Ekki hefur verið fullgengið frá fjárhagsáætlun fyrir árið 2014. Forstöðumaður og formaður stjórnar ætla að hittast og ljúka því. Síðasta ár fór safnið framyfir gildandi fjárhagsáætlun. Ekki er fullbókað á alla tekjuliði síðasta árs. Rætt um að einfalda reikningakerfi í Landsbankanum og fækka reikningum. Rætt um að auka ábyrgð Byggðasafns á innheimtu

### 2. Staða nýbyggingar

Ákveðið hefur verið að búa til rekstrarmódel fyrir framkvæmdina og sjá hvernig það gæti komið út. Formaður stjórnar hefur verið í sambandi við forstöðumann Umhverfisstofnunar.

### 3. Tilnefning fulltrúa BSV í stjórn Vélsmiðju GJS á Þingeyri

Ákveðið að formaður stjórnar BSV og forstöðumaður (sjálfskipaður) verði fulltrúar safnsins í stjórn GJS.

### 4. Sumarverkefni safnsins forstöðumaður gerir grein fyrir sumarverkefnum.

- A. **Turnhús, sýning.** Sett verður upp sýning sem er gerð er grein fyrir atvinnu og mannlífsþróun. Verður sýningin aðgengileg í gegnum farsíma eða spjaldtölvur fyrir ítarefni. Búið er að ráða þrjá starfsmenn til yfirsetu í sumar sem er nauðsynlegt vegna fyrirsjáanlegrar fjölgunar gesta.
- B. **Vélsmiðjan á Þingeyri.** Vélsmiðjan verður opin í sumar á opnunartíma Byggðasafnsins, ekki verða sett upp nein spjöld með kynningarefni, heldur verður útbúin stuttmynd sem sýnd verður á skjá í smiðjunni. Búið er að ræða við Jóhannes Jónsson um gerð myndarinnar. Töluvert er til af myndefni. Sett hefur verið upp kynding í smiðjunni, settar voru upp tvær varmadætur sem hita upp húsið og er það til mikilla bóta. Eldsmiður hefur sett sig í samband við forstöðumann sem hefur hug á að vinna í smiðjunni. Stjórn setti fram þann möguleika að ráða hann tímabundið. Forstöðumaður hafði samband við skólastjóra Listaháskólans og ræddi þann möguleika að háskólinn gæti nýtt sér aðstöðuna og leist henni vel á þann möguleika.
- C. **Skemmtiferðaskip.** 48 skip koma til Ísafjarðar í sumar og má reikna með fjölgun gesta úr skipunum í safnið. Rætt um hækkun aðgangseyris til skemmtiferðaskipa fyrir árin 2015-2016. Forstöðumanni falið að ræða við framkvæmdastjóra Vesturferða.

### 5. Ákvörðun um aðild að Samtökum um söguferðaferðaþjónustu

Stjórn samþykkir aðild að samtökunum.

## 6. Málefni Hrafnseyrar – greinargerð forstöðumanns

Forstöðumaður lagði fram greinargerð um afstöðu sína til málefna Hrafnseyrar. Forstöðumaður segist sakna safnlega þáttarins í sýningunni á Hrafnseyri, frekar væri að tala um viðburðadagskrá. Formaður sagði að mætti hugsa sér nýjar áherslur Byggðasafnsins. Formaður lýsti þeirri skoðun sinni að safnið ætti að taka yfir reksturinn á Hrafnseyri. Forstöðumaður lýsti því að safnið væri undirmannað og að þessi tvö söfn, Hrafnseyri og Byggðasafnið væru mjög ólík. Niðurstaða er ekki um málið og bíður frekari úrvinnslu.

## 7. Geymslumál safnsins

Kynnt voru valkostir í brýnni þörf fyrir geymsluaðstöðu fyrir safnið. Ein tillagan var í samvinnu við önnur söfn í Ísafjarðarbæ. Stjórnarmenn óska eftir greinargerð um notkunarpörf safnsins hvað varðar stærð og önnur skilyrði sem gerð eru til safna.

## 8. Önnur mál

- I. Aðkoma og bílastæði. *Lagt fram til kynningar.*
- II. Saltfiskþurrkun. *Lagt fram til kynningar.*
- III. Styrkir. *Lagt fram til kynningar.*
- IV. Viðurkenning Safnaráðs. *Lagt fram til kynningar.*

Fleira ekki gert og fundi slitið kl 11:40

Daníel Jakobsson, bæjarstjóri Ísafjarðarbæjar  
Elías Jónatansson, bæjarstjóri Bolungarvíkurkaupstað  
Ómar Jónsson sveitarstjóri Súðavíkurhrepps  
Jón Sigurpálsson, forstöðumaður.  
Björn Baldursson, safnvörður.

## 82. fundur.

Þann 12. maí 2014, kl. 11 var haldinn fundur í stjórn Byggðasafns Vestfjarða á skrifstofu bæjarstjóra Ísafjarðarbæjar. Mættir voru Daníel Jakobsson, Elías Jónatansson, Jón Sigurpálsson, Þórir Örn Guðmundsson og Björn Baldursson, sem ritar fundargerð. Ómar Jónsson bað fyrir kveðju á fundinn.

### 1. Fjárhagsáætlun ársins 2014

Rætt um fjárhagsáætlun næsta árs og ræddar hugsanlegar breytingar á launagreiðslum þannig að Byggðasafnið sé launagreiðandi, en ekki Ísafjarðarbær, og sama gildi um sumarstarfsfólk. Farið yfir fjárhagsáætlun og rennt yfir helstu liði hennar. Rætt um fyrirkomulag kassauppgjörs. Fjármálastjóra Ísafjarðarbæjar falið að ganga frá uppgjöri sem fyrst fyrir árið 2013, og færa inn tölur fyrir 2014. Edda María Hagalín sat fund undir þessum lið.

## **2. Staða nýbyggingar og samvinna við UST.**

Málið er enn í ferli hjá ríkisvaldinu og Daníel hefur lagt fram rekstraráætlun, en hefur ekki fengið viðbrögð við henni ennþá. Daníel las upp bréf með drögum að rekstraráætlun fyrir Hornstrandastofu sem hann sendi Umhverfistofnun þar sem hann kynnti forsendur fyrir rekstri og byggingu hússins.

## **3. 5 ára áætlun BSV (drög).**

Forstöðumaður lagði fram drög að 5 ára áætlun

## **4. Starfslýsing starfsmanna.**

Forstöðumaður lagði fram til kynningar endurskoðaðar starfslýsingar starfsmanna Byggðasafnsins.

## **5. Safnastefna BSV.**

Endurnýja þarf safnastefnu Byggðasafnsins, gildandi stefna rennur út 2014. Stefnt að því að ný safnastefna verði tilbúin fyrir lok árs.

## **6. Smiðjan á Þingeyri.**

Þórir gerði grein fyrir málum smiðjunnar og lagði fram rekstraráætlun og kostnað við smiðjuna og ýmsa liði tengda henni. Opnunartími smiðjunnar verður sá sami og er á Byggðasafninu. Menn veltu fyrir sér hvernig best væri að koma smiðjunni fyrir í bókhaldi Byggðasafnsins. Líklega væri best að bókhaldið færi í gegnum sjálfseignarstofnunina sem væri svo rekin með styrk frá Byggðasafninu. Ákveðið að leggja smiðjunni til 500.000 kr. fyrir árið 2014.

## **8. Önnur mál.**

Lagt fram bréf frá Magnúsi Hávarðarsyni og Sóleyju Kristinsdóttur þar sem þau lýsa yfir áhuga á að setja upp tjald á steypa nýbyggingargrunninum og vera þar með sölubása fyrir ýmsan varning og jafnvel ýmsar uppákomur í sumar. Fundarmönnum leist vel á þessa hugmynd og sáu ekkert sem hindraði tilraunina.

Fleira ekki gert og fundi slitið kl 12:25

Daníel Jakobsson, bærarstjóri Ísafjarðarbæjar  
Elías Jónatansson, bærarstjóri Bolungarvíkurkaupstað  
Jón Sigurpálsson, forstöðumaður.  
Björn Baldursson, starfsmaður.  
Þórir Örn Guðmundsson

## **83. fundur.**

Mánudaginn 8 september 2014, kl 11 var haldinn fundur í stjórn Byggðasafns Vestfjarða í geymslu safnsins í Neðstakaupstað. Þetta er fyrsti fundur nýrrar stjórnar sem tók við eftir síðustu sveitarstjórnarkosningar. Stjórnina skipa Gísli Halldór Halldórsson bærarstjóri Ísafjarðarbæjar, Elías Jónatansson bærarstjóri í Bolungarvík, og Pétur Georg Markan,

sveitarstjóri Súðavíkurbrepps. Einnig sitja fundinn Jón Sigurpálsson forstöðumaður og Björn Baldursson safnvörður sem ritar fundargerð.

Forstöðumaður bauð nýja stjórn velkomna til starfa.

## 1. Stjórnarskipan

Nýir stjórnarmenn staðfesta umboð sitt til stjórnarsetu til Safnaráðs samkvæmt stofnskrá safnsins. Stjórnarmenn eru samkvæmt samþykktum safnsins sjálfkjörnir í stjórn safnsins sem oddvitar síns sveitarfélags. Gísli Halldór Halldórsson var tilnefndur formaður stjórnar og samþykktur samhljóða.

## 2. Farið yfir minnisblað forstöðumanns frá 8.ágúst s.l.

### a) *Nýbygging safnsins í Neðstakaupstað.*

Forstöðumaður greindi frá hvernig það mál hefði þróast og áframhald þyrfti að vera á því ferli. Tóku stjórnarmenn undir það.

### b) *Smiðja Guðmundar J. Sigurðssonar á Þingeyri.*

Forstöðumaður greindi frá málefnum smiðjunnar á Þingeyri og skýrði frá stjórnarsetu í sjálfseignarstofnuninni sem er um smiðjuna.

### c) *Starfsmannamál.*

Forstöðumaður lagði fram launaáætlun safnsins, en gerði fyrirvara með að hún væri ófullgerð því ekki lægi fyrir um starfsmannafjöldann. Stjórnin telur rétt að starfsmenn byggðasafnsins verði 3 í ljósi yfirtöku safnsins á Vélsmiðju Guðmundar Sigurðssonar og mikilla óleystra verkefna við skráningu safnkosts byggðasafnsins. Forstöðumaður fagnaði 3 starfsmanninum og sagði að hann myndi m.a. nýtast vel til skráningar á safnkosti.

### d) *Umboð til stjórnarsetu í sjálfseignarstofnuninni um Smiðju G.J.S. Þingeyri.*

Sjálfgefið er samkvæmt skipulagsskrá sjálfseignarstofnunarinnar að formaður stjórnar BSV og forstöðumaður safnsins sitji í stjórn hennar.

### e) *Slippurinn í Neðstakaupstað.*

Forstöðumaður greindi frá málefnum gamla slippisins og voru málefni slippisins rædd og framtíðarmöguleikar hans.

### f) *Bátasafnið.*

Forstöðumaður greindi frá því að sú hugmynd hefði komið upp hjá þjóðminjaverði o.fl. um að bátasafn þjóðminjasafnsins yrði varðveitt á Ísafirði á vegum Byggðasafnsins og er verið að vinna að áætlun um það verkefni.

### g) *María Júlía.*

Framtíðarmöguleikar skipsins Maríu Júlíu ræddir og forstöðumanni falið að vinna áfram í málefnum hennar í samráði við aðra eigendur.

**h) Hrafnseyri.**

Málefni Hrafnseyrar kynnt.

**i) Harmonikusafn Ásgeirs S. Sigurðssonar.**

Málefni harmonikkusafnsins kynnt.

**3. Geymslumál safnsins.**

Forstöðumaður ítrekaði að geymslumál safnsins væru í ólestri. Áfram verður unnið að lausn geymslumála.

**4. Önnur mál.**

**a) Erindi Daníels Jakobssonar 1.9. í tölvupósti varðandi vetraraðstöðu í Turnhúsinu.**

Stjórn samþykkir erindið og forstöðumanni falið að útbúa gjaldskrá.

**b) Berlínarferð safnamanna.**

Forstöðumaður tilkynnti að fastir starfsmenn safnsins, Jón Sigurpálsson og Björn Baldursson væru á leið til Berlínar í Farskóla safnamanna um miðjan september.

Fleira ekki gert og fundi slitið kl 12:30.

Snæddur hádegisverður í Tjöruhúsinu að loknum fundi

Gísli Halldór Halldórsson form.,bæjarstjóri Ísafjarðarbæjar

Elías Jónatansson, bæjarstjóri Bolungarvíkurkaupstaðar

Pétur G. Markan, sveitarstjóri Súðavíkurbrepps

Jón Sigurpálsson forstöðumaður BSV

Björn Baldursson, safnvörður

**84. fundur.**

Mánudaginn 8 desember 2014, kl 11 var haldinn fundur í stjórn Byggðasafns Vestfjarða í Krumbúðinni í Neðstakaupstað. Mættir voru Gísli Halldór Halldórsson, Elías Jónatansson, Pétur Georg Markan, Jón Sigurpálsson, Þórir Örn Guðmundsson og Björn Baldursson sem ritar fundargerð.

Forstöðumaður bauð nýjan starfsmann Byggðasafnsins, Þóri Örn Guðmundsson velkominn til starfa, og þakkaði jafnframt fyrir veitta fundaraðstöðu í Krumbúðinni.

**1. Fjárhagsáætlun**

Forstöðumaður greindi frá stöðu fjárhagsáætlunar og vinnslu hennar. Hún verður lögð fram á ársfundi safnsins sem verður fyrir áramót

**2. Ársfundur 2013**

Ákveðið að halda ársfund safnsins mánudaginn 22 desember, kl 12, í Einarshúsi í Bolungarvík.

### **3. Slippurinn í Neðsta, Bárðarslippur.**

Rætt um Bárðarslipp, og möguleika til að auka nýtingu hans. Ákveðið að segja upp gildandi samstarfssamningi við Skipanaust ehf. og undirbúa opið útboð á rekstri slippisins.

### **4. Staða nýbyggingar í Neðstakaupstað og samstarf við Umhverfisstofnun.**

Rætt um stöðu nýbyggingar. Málið er í farvegi og er gert er ráð fyrir undirbúningskostnaði í fjárhagsáætlun Ísafjarðarbæjar á næsta ári.

### **5. Vélsmiðjan Þingeyri.**

Þórir Örn kynnti málefni smiðjunnar. Aðkallandi er að fá nýja heimtaug í smiðjuna og setja upp nýja rafmagnstöflu. Ákveðið að leita tilboða. Þórir lagði fram viðhaldsáætlun vegna smiðjunnar fyrir árið 2015.

### **6. Ráðgjafarhlutverk BSV varðandi eftirlit menningarminja**

Forstöðumaður lagði fram til kynningar, tillögu um að BSV tæki að sér eftirlitshlutverk fyrir sveitarfélögin sem eru aðilar að BSV, á sviði húsaveyndunar og annarra umhverfisminja, í samstarfi við Húsafriðunarnefnd, Minjastofnun og þá aðila sem fjalla um þessi mál. Stjórnin tók jákvætt í tillöguna og forstöðumanni falið að vinna hana frekar og senda sveitarfélögunum til kynningar.

#### **Önnur mál**

##### **A) Bílastæði**

Samkvæmt fjárhagsáætlun Ísafjarðarbæjar er frágangur bílastæða á fjárhagsáætlun Ísafjarðarbæjar fyrir árið 2015 og er undirbúningur þegar hafinn.

##### **B) Saga safnsins**

Forstöðumaður hefur unnið að því að skrifa sögu safnsins vegna bókar um söfn á Íslandi sem Sigurjón B.Hafsteinsson er að vinna að fyrir hugvísindadeild Háskóla Íslands. Í þeirri samantekt kemur fram að Byggðasafn Vestfjarða er eitt af elstu byggðasöfnum landsins, stofnað árið 1941.

Fleira ekki tekið fyrir og fundi slitið um 12:30.

Snætt smörrebröd að loknum fundi.

Gísli Halldór Halldórsson form.,bæjarstjóri Ísafjarðarbæjar  
Elías Jónatansson, bæjarstjóri Bolungarvíkurkaupstaðar  
Pétur G. Markan, sveitarstjóri Súðavíkurhrepps  
Jón Sigurpálsson forstöðumaður BSV  
Þórir Örn Guðmundsson, safnvörður  
Björn Baldursson, safnvörður



## 85. fundur.

Mánudaginn 22 desember 2014, kl 12 var fundur haldinn í stjórn Byggðasafns Vestfjarða, í Einarshúsi í Bolungarvík. Mættir voru Gísli Halldór Halldórsson, Elías Jónatansson, Pétur Georg Markan, Jón Sigurpálsson, Þórir Örn Guðmundsson og Björn Baldursson sem ritar rafræna fundargerð.

### 1. Lagðir fram ársreikningar

Lagður fram ársreikningur ársins 2013.

Rekstrartekjur ársins 2013 eru alls 15.551.317. Tap af rekstri er kr.35.764. Eignir nema 24.298.165 kr, og bókfært eigið fé í árslok 1.645.012. Rekstrarframlag sveitarfélaganna þriggja var 17.000.002.

Reikningurinn samþykktur samhljóða.

Fundi slitið kl 12.15.

Gísli Halldór Halldórsson formaður og bæjarstjóri Ísafjarðarbæjar  
Elías Jónatansson, bæjarstjóri Bolungarvíkurkaupstaðar  
Pétur G. Markan, sveitarstjóri Súðavíkurbrepps  
Jón Sigurpálsson forstöðumaður BSV  
Þórir Örn Guðmundsson, safnvörður  
Björn Baldursson, safnvörður

## 86. fundur

Ársfundur Byggðasafns Vestfjarða haldinn í Einarshúsi í Bolungarvík kl 12:15 mánudaginn 22 desember 2014. Boðið var upp á súpu. Mættir voru Gísli Halldór Halldórsson, Elías Jónatansson, Pétur Georg Markan, Jón Sigurpálsson, Þórir Örn Guðmundsson, Halldóra Dagný Sveinbjörnsdóttir, Margrét Jómundsdóttir og Björn Baldursson sem ritar rafræna fundargerð.

### 1. Skýrsla formanns

Formaður flutti munnlega skýrslu stjórnar

### 2. Skýrsla forstöðumanns

Ársskýrsla 2013

*Tekið saman af Jóni Sigurpálssyni.*

## Starfsemin

Starfsemi Byggðasafns Vestfjarða var með hefðbundnum hætti árið 2013. Safnið var opið daglega frá kl. 9-18 frá miðjum maí til 15. september. Aðgangseyrir var 800 kr., 650 kr. fyrir eldri borgara og frítt fyrir börn á grunnskólaaldri. Verð til hópa á vegum Vesturferða var kr. 500,-.

Fastir starfsmenn voru tveir, Jón Sigurpálsson forstöðumaður og Björn Baldursson. Auk þeirra voru tveir sumarstarfsmenn, Rannveig Jónsdóttir og Fanney Jónsdóttir. Rannveig nam listfræði við Háskóla Íslands en Fanney er við kennaranám. Auk þeirra var Kristján Loftur Bjarnason ráðinn í samráði við Starfsendurhæfingu Vestfjarða. Kristján Loftur fékkst aðallega

við málun á bátum safnsins og annan undirbúning við niðursetningu þeirra og reyndist hinn ágætasti starfsmaður.

Eins og áður hefur komið fram þá tóku ný safnalög gildi um síðustu áramót. Safnaráð tók þá ákvörðun að setja öll söfn á byrjunarreit og þurftu öll að sækja um viðurkenningu að uppfylltum skilyrðum. Helstu skilyrði viðurkenningarinnar eru samkv. 4. gr. reglugerðar:

Til að safnaráð geti gert tillögu til ráðherra um viðurkenningu safns skal það uppfylla eftirfarandi skilyrði:

1. Safn skal vera í eigu opinberra aðila, sjálfseignarstofnunar, félags eða fyrirtækis sem tryggir safninu fjárhagsgrundvöll fyrir eðlilega starfsemi þess og skipar því stjórn. Safn skal ekki rekið í hagnaðarskyni.

1. Fjárhagsgrundvöllur fyrir eðlilega starfsemi safns er skilgreindur þannig að safnið geti af eigin rammeik staðið undir faglegri starfsemi í samræmi við skilyrði gildandi reglugerðar um viðurkenningu safna á hverjum tíma.

2. Safn skal hafa sjálfstæðan fjárhag, aðskilinn frá öðrum rekstri eiganda. Reikningar safns skulu vera áritaðir af löggiltum endurskoðanda. Það skal árlega senda skýrslu um starfsemi sína og fjárhagslegt uppgjör til safnaráðs. Safnaráð mun gefa út leiðbeiningar um innihald skýrslunnar.

3. Safn skal starfa eftir stofnskrá, skipulagsskrá eða samþykkt sem safnaráð hefur staðfest í samræmi við ákvæði safnalaga. Í stofnskrá, skipulagsskrá eða samþykkt skal m.a. tilgreina viðfangsefni og starfssvæði safnsins, og með hvaða hætti komið verður til móts við ákvæði safnalaga við lok starfsemi og ráðstöfun eigna og safnkosts. Stofnskrá eða samþykkt viðurkennds safns skal birt í B-deild Stjórnartíðinda.

4. Safn skal starfa í samræmi við skilmála safnaráðs um:

**A. Húsnæði:**

- I. Safn skal hafa starfsleyfi frá heilbrigðiseftirliti og skila afriti af því til safnaráðs sé þess óskað,
- II. eldvarnareftirlit skal gera reglulegar úttektir á húsnæði safnsins og skal skila afriti af slíkum úttektum til safnaráðs sé þess óskað,
- III. sýninga- og geymsluhúsnæði skal vera með þeim hætti að langtímararðveisla gripa sé tryggð.

**B. Öryggismál:**

**5. Nr. 900 7. október 2013**

- I. Safn skal hafa öryggiskerfi í lagi, þ.e. viðvörunarkerfi vegna bruna, innbrota og raka. Staðfestingu á virkni öryggiskerfa skal skilað til safnaráðs sé þess óskað,
- II. safn skal hafa eftirlit með ljósmagni, hitastigi og rakastigi í húsakynnum sínum, og mæl-ingar skulu skráðar reglulega og upplýsingum um þær skilað til safnaráðs sé þess óskað,
- III. safn skal hafa neyðaráætlun fyrir starfsfólk, gesti og safnkost og skila afriti af henni til safnaráðs sé þess óskað.

**A. Skráningarkerfi safnmuna:**

- I. Kerfi sem notuð eru til skráningar gagna hjá viðurkenndum söfnum skulu að lágmarki uppfylla skilmála safnaráðs um

skráningarkerfi eins og þeir koma fram á heimasíðu safnaráðs. Uppfylli skráningarkerfi ekki skilmála safnaráðs skal safn senda safnaráði tímasetta áætlun um úrbætur sem ráðið tekur afstöðu til.

**B. Fagleg starfsemi skal vera með eftirfarandi hætti:**

- I. Söfnun: Safn skal starfa eftir söfnunarstefnu sem birt er opinberlega.
  - II. Skráning: Safn skal fara eftir leiðbeiningum höfuðsafns um skráningu.
  - III. Varðveisla: Safn skal fara eftir leiðbeiningum höfuðsafns um varðveislu og fyrir-byggjandi forvörslu.
  - IV. Safn skal skila höfuðsafni stefnumörkun um starfsemi sína á fjögurra ára fresti.
  - V. Safn skal vera opið almenningi á auglýstum opnunartíma.
- A. Upplýsingar um skráða gripi í varðveislu safns skulu vera aðgengilegar almenningi.
- B. Safn skal jafnframt stunda rannsóknir og miðlun upplýsinga um eign safnkost og starfsemi og taka þátt í samstarfi, svæðisbundið, á landsvísu og alþjóðlega.
6. Safn skal veita skólanemendum sem heimsækja safnið í skipulögðum námsferðum aðgang án gjaldtöku.
  7. Aðgengi að húsnæði safns skal vera í samræmi við lög og reglugerðir og eins mikið tillit tekið til þarfa fólks með fötlun og kostur er.
  8. Safn skal starfa í samræmi við siðareglur Alþjóðaráðs safna (ICOM) og ákvæði laga.
  9. Forstöðumaður safns skal hafa menntun á ábyrgðarsviði safnsins eða hafa aflað sér hliðstæðrar hæfni á annan hátt.

**Gestir safnsins.**

Gestir safnsins árið 2013 voru tæplega 12 þúsund, sem er lítilháttar aukning frá fyrra ári. Sem fyrr var mikill meirihluti þeirra erlendir gestir. Líkt og áður voru það gestir í skipulögðum ferðum skemmtiferðaskipanna sem voru langflestir, en þeir voru 6.250. Áætlaður fjöldi gesta inn á safnsvæðið í Neðstakaupstað er á milli 20 til 25 þúsund. Það vekur enn og aftur eftirtekt að hlutfall Íslendinga er það lágt að ekki verður við unað.

**Saltfiskverkun og veisla.**

Sama fyrirkomulag var haft og í fyrra við saltfiskþurrkunina. Samið var við fiskibúðina Sjávarfang um að útvega hráefni á reitinn. Starfsfólk safnsins sáu um að þurrka fiskinn og fékk safnið fimmta hvern fisk í sinn hlut. Þessi starfsemi er mjög mikilvæg í safnmyndinni, fiskurinn sem liggur til þerris á reitnum vekur mikla athygli og er bein skírskotun í það sem safngesturinn upplifir inni á safninu.

Hin árlega saltfiskveisla safnsins var haldin 20. júlí. Veislan var haldin í Turnhúsinu eins og árinu áður. Aftur var samið var við vertana í Tjöruhúsinu að sjá um saltfiskréttina og aðrar

veitingar. Að öðru leiti fór veislan fram með hefðbundnum hætti og var gerður góður rómur að henni og rýmri veislustað.

Veislurnar hafa verið með lítt breyttu sniði í rúman áratug og saltfiskurinn sólþurrkaði hafur í öndvegi. Saltfisksveit Villa Valla fékk frí að þessu sinni og var leitað til ungra Vestfirskra tónlistarmanna. Leita var til fyrrum starfsmanns safnsins, Valdimar Olgeirsson og setti hann samann sveit sem fékk nafnið Bakkaláband Valda Mósa. Hana skipa auk Valdimars, Birgir Olgeirsson, Kristinn Gauti Einarsson og Tómas Jónsson. Gerður var góður rómur að leik sveitarinnar.

### Fundarhöld.

Safnmenn sóttu Farskóla Íslenskra safnmanna á haustmánuðum. Skólinn er haldinn á hausti hverju og var að þessu sinni í Reykjavík. Megintilgangur hans er að hitta safnmenn, bera saman bækur sínar, skoða hvað er verið að gera á landinu í safnamálum og styrkja sín tengslanet. Þar að auki voru ný safnalög og viðurkenningarferli safna rækilega kynnt.

Forstöðumaður sótti einnig ársfund Þjóðminjasafnsins s.l. vor.

### Sýningar

Safnið tók þátt nokkrum sýningum á árinu.

1. Hugprúði Bolvíkingurinn.
2. Tónlistarsafnið fékk léðar nokkrar Nikkur á sýningu.
3. 350 ára fæðingarafmæli Árna Magnússonar með Kvæðabók frá Vigur frá 17. öld. Bragi Valdimar Skúlason textasmiður fóstrar handritið og opnar sýningu í Vigur á Ísafjarðardjúpi 25. júní. Sýningin er haldin í samvinnu við heimamenn í Vigur og Byggðasafn Vestfjarða og styrkt af Menningarráði Vestfjarða. Fræðari var Margrét Eggertsdóttir.
4. Páskasýning Borea Adventure. Safnið lánaði skíða og útilegubúnað.
5. Jólásýning Gamla sjúkrahússins sem stendur yfir um þessar mundir.

### BÁRÐARSLIPPUR

Fátt gerðist í slipp safnsins á þessu ári. Fyrir utan báta safnsins var enginn bátur tekinn í slipp nema Franska skútan Arctica kúrði þar í einar 3 vikur áður en hún sigldi til Grænlands. Starfsmenn hafa hinsvegar miklar efasemdir um að núverandi rekstrarfyrirkomulag slippisins ekki síst með það í huga að hann eigi nokkurn tímann eftir að skila þeirri fjárfestingu sem farið var í á síðustu árum.

### AÐEINS UM BÁTA SAFNSINS.

Bátar safnsins eru 15, að auki eru tveir sem eru fóstaraðir fyrir Þjóðminjasafn Íslands. Töluverðar framkvæmdir voru við bátanna í vor og nokkuð inn í sumarið. Nokkuð fékkst af styrkjum til bátanna á árinu. Styrkur kom frá Vestfirskri menningu að upphæð kr. 1200 þúsund krónur til bátanna. Einnig fékk safnið 200 þúsund króna mótframlag til að gefa út upplýsingarit um bátakostinn. Helstu verkefni ársins voru eftirfarandi:

1. **Gunnar Sigurðsson Ís 13.** Snemma sumars var hann tekinn í slipp og yfirfarinn og botnmálaður. Samkvæmt skammtímasamkomulagi ferðaskrifstofuna Borea Adventures var Gunnar í ferðum á handfæri. Hér er um að ræða tilraunarverkefni sem að sögn forsvarsmanna Borea gafst vel og áhugi er á áframhaldandi samstarfi.

2. **Jóhanna Ís 159.** Viðgerð við Jóhönnu er lokið og verður hún til sýnis á komandi sumri.

3. **Gestur frá Vigur.** Gestur var sjósettur snemma sumars og hafður til sýnis. Ekki var keypt á bátinn farþegaleyfi og var honum því ekki siglt með safngesti.

4. **Eljan Ís 590.** Töluverð málningarvinna og viðgerð átti sér stað áður en Eljan var sjósett. Ýmsar fúaspýtur komu í ljós og verður gengið í viðgerðir á næsta ári.

5. **Sædís.** Sædís var tekin í slipp í sumar og máluð í hólf og gólf. Stefnt er að frekari framkvæmdum við hana á næsta ári.

6. **María Júlía Ba 36.** Áhugamannafélagið um rekstur Maríu Júlíu fékk styrk úr safnasjóði kr. 1. 5 milljónir króna til að gera viðskiptaáætlun fyrir rekstur og uppgerð skipsins. AtVest á Ísafirði vinnur að henni um þessar mundir og von á ítarlegri áætlun á næstu vikum.

## **NÝBYGGINGIN.**

Á árinu hafa staðið yfir viðræður við Umhverfisstofnun og upplýsingamiðstöð ferðamála á Ísafirði um að sameinast um rekstur á hluta nýbyggingar sem fyrirhugaður er á ónýttum grunni í Neðstakaupstað. Fyrir liggja teikningar Gullinsniðs arkitektastofu í Reykjavík. Almenn eru hlutaðeigandi sáttir við þetta breytta fyrirkomulag og sjá fyrir sér hagræðingu og umtalsverða samlegð í rekstri eins og eftirsóknarvert er á þessum síðustu og verstu tímum. Kostnaðurinn er hins vegar það sem stendur í mönnum og er unnið hörðum höndum að því að lágmarka kostnaðinn.

## **GEYMSLUMÁL**

Á árinu 2004 var fullgerð ný geymsla safnsins á hálfnýttum grunninum sem nefndur er hér að framan. Með nýrri geymslu gjörbreyttist þessi þáttur í starseminni að hluta. Húsnæðið hentar vel fyrir varðveislu á smærri safngripum og svo einnig til forvörslu og skráningar. Engu að síður má þó segja að ófremdarástand ríki í geymslumálum safnsins. Safnið hefur sára þörf fyrir geymsluaðstöðu fyrir stærri hluti sem geymdir eru á nokkrum stöðum og einnig báta safnsins, sem teknir eru á land yfir vetrarmánuðina.

## **SKRÁNING MUNA.**

Nánast ekkert var skráð í Sarp á árinu.

## **AÐFÖNG 2012.**

Ný aðföng safnsins á árinu voru um 130 talsins.

## **HEIMASÍÐAN.**

Ekki hefur unnist tími til að eiga mikið við síðuna og er það miður í hinum sívakandi netheimi, sem við búum í. Um þessar mundir er unnið að því að tengja upplýsingar gripa inní safninu við heimasíðuna í gegnum netheima með QR koda og gera síðuna þar af leiðandi skilvirkari en hingað til.

## **STJÓRN SAFNSINS.**

Stjórn safnsins er skipuð Daníel Jakobssyni bæjarstjóra á Ísafirði, Elíasi Jónatanssyni bæjarstjóra í Bolungarvík og Ómari Má Jónssyni sveitarstjóra í Súðavíkurreppi. Ísafjarðarbær annast bókhaldsmál safnsins .

## **LOKAORD.**

Byggðasafn Vestfjarða er í merkilegum hópi safna sem ruddu brautina fyrir rúmum 70 árum. Þar fyrir fór fólk sem færði samfélaginu mikilsvert og fórnúst starf og í sumum tilfellum gáfu allar eigur sínar safninu til handa. Þessir merkilegu frumkvöðlar sáu það kannski fyrir að hjá safninu og öðrum skapandi greinum lægi einn mikilvægasti vaxtarsproti samfélagsins.

### 3. **Lagðir fram endurskoðaðir ársreikningar Byggðasafns Vestfjarða**

Rekstrartekjur ársins 2013 eru alls 15.551.317.

Tap af rekstri er kr.35.764.

Eignir nema 24.298.165 kr.

Bókfært eigið fé í árslok 1.645.012.

Rekstrarframlag sveitarfélaganna þriggja, Ísafjarðarbæjar, Bolungarvíkurkaupstaðar og Súðavíkurhrepps var 17.000.002.

Fundi slitið kl 14:15

Gísli Halldór Halldórsson form.,bæjarstjóri Ísafjarðarbæjar

Elías Jónatansson, bæjarstjóri Bolungarvíkurkaupstaðar

Pétur G. Markan, sveitarstjóri Súðavíkurhrepps

Jón Sigurpálsson forstöðumaður BSV

Þórir Örn Guðmundsson, safnvörður

Björn Baldursson, safnvörður

Margrét Jómundsdóttir, bæjarfulltrúi Bolungarvík

Halldóra D. Sveinbjörnsdóttir, bæjarfulltrúi Bolungarvík

## **87. fundur.**

Föstudaginn 24 apríl 2015, kl 15 var haldinn fundur í stjórn Byggðasafns Vestfjarða í geymsluhúsnæði safnsins í Neðstakaupstað. Mættir voru Gísli Halldór Halldórsson, Elías Jónatansson, Pétur Georg Markan, Jón Sigurpálsson og Björn Baldursson sem ritar fundargerð.

### **1. Ársreikningur 2014.**

Lögð fram drög að ársreikningi Byggðasafns Vestfjarða 2014 til kynningar. Nokkur atriði eru óljós og forstöðumanni falið að ræða við endurskoðanda um þau atriði reikningsins.

### **2. Launamál starfsmanna.**

Forstöðumaður lagði fram skýrslu um ósamræmi sem myndaðist í launaáætlun safnsins, þar sem lagðar eru fram skýringar á því. Stjórn gerir ekki athugasemdir að svo stöddu, svo fremi sem hækkun sé innan heimilda fjárhagsáætlunar.

### **3. Geymslumál safnsins.**

Lögð fram skýrsla til kynningar um þarfagreiningu á geymslumálum safnanna. Unnið hefur verið að því að greina þörf á geymsluhúsnæði safnanna á Ísafirði, þ.e. Skjalasafns, Ljósmyndasafns og Byggðasafns. Helst hefur verið horft til húsnæðis í norðurenda gamla Norðurtangahússins, og þá sem skammtíma lausn á geymsluvanda safnanna. Athugað hefur verið með að semja við núverandi eiganda um að leigja húsnæðið. Forstöðumaður greindi frá að veruleg þörf væri á auknu

geymsluhúsnæði. Ljóst er að rekstrarkostnaður safnsins mun hækka töluvert en það mun skýrast nánar fljótlega hversu mikið.

#### **4. Slippurinn í Neðsta.**

Auglýst var eftir tilboðum í rekstur Bárðarslipps. Nokkrir aðilar lýstu yfir áhuga en ekkert formlegt tilboð barst. Forstöðumanni falið að vinna málið áfram og leita samninga.

#### **5. Staða nýbyggingar og samvinna við Umhverfisstofnun.**

Engar nýjar fréttir eru af nýbyggingu í Neðsta, en Umhverfisstofnun er að leita eftir frekari fjárheimildum til leigu á húsnæðinu. Formanni stjórnar falið að ræða frekar við forstöðumann Umhverfisstofnunar um gang málsins.

#### **6. Vélsmiðjan á Þingeyri.**

Starfsmaður safnsins á Þingeyri hefur verið að vinna í smiðjunni í vetur við skráningu o.fl. Styrkur fékkst frá Safnaráði, 1.500.000 kr, til miðlunar á sögu smiðjunnar. Gerður hefur verið samningur við Listaháskóla Íslands um nýtingu á smiðjunni til kennslu. Skipa þarf mann í stjórn sjálfseignarstofnunarinnar um smiðjuna í stað Guðmundar J. Matthíassonar sem hyggt víkja úr stjórninni.

#### **7. Starfsemi sumarsins 2015.**

Sett verður upp ný sýning í sumar, sem byggir að hluta á QR kóðum, þar sem farið er yfir helstu þætti samfélagsins. Ekki er gert ráð fyrir saltfiskveislu í sumar, heldur hátíð þar sem í boði verða “ávextir hafsins” þann 18 júlí. Unnið er að verkefni um safnkennslu í samvinnu við Andreu Harðardóttur og Jónu Símoníu Bjarnadóttur. Styrkur fékkst til miðlunar á sögu Smiðjunnar á Þingeyri þar sem miðlun sögunnar fer fram í gegnum hljóðleiðsögn eða snjalltæki, því erfitt er að koma við veggspjöldum og þ.h. á Þingeyri.

#### **8. Bílastæði í Neðsta**

Unnið hefur verið að lagfæringum á bílastæðinu við safnið, og verður það ekki tilbúið áður en safnið opnar. Útbúin verður bráðabirgðalausn á bílastæðum fyrir rútur og bíla.

#### **9. Sumarstarfsmenn 2015**

Ráðið hefur verið sumarstarfsfólk til yfirsetu á safninu í sumar, þær Rannveig Jónsdóttir og Fanney Jónsdóttir.

#### **10. Forstöðumaður greindi frá styrkveitingum til safnsins.**

Frá Safnaráði:

Rekstrarstyrkur: kr. 1.000.000,-

Við og útlönd: kr. 400.000,-

Rafræn leiðsögn: kr. 400.000,-

Safnkennsla: kr. 450.000,-

Miðlun á sögu G.J.S. kr. 1.500.000,-

Samtals: kr.3.750.000,-

Frá Minjastofnun - Fornleifasjóður:

María Júlía: kr. 5.000.000

Fleira ekki tekið fyrir og fundi slitið kl 16:35

Gísli Halldór Halldórsson form., bæjarstjóri Ísafjarðarbæjar  
Elías Jónatansson, bæjarstjóri Bolungarvíkurkaupstaðar  
Pétur G. Markan, sveitarstjóri Súðavíkurhrepps  
Jón Sigurpálsson forstöðumaður BSV  
Björn Baldursson, safnvörður

## 88. fundur.

Miðvikudaginn 14 október 2015, kl 13:15 var haldinn fundur í stjórn Byggðasafns Vestfjarða í geymsluhúsnæði Byggðasafnsins í Neðstakaupstað. Mættir voru Gísli Halldór Halldórsson form. stjórnar, Elías Jónatansson, Pétur Georg Markan (kom 14:10), Jón Sigurpálsson forstöðumaður, Þórir Örn Guðmundsson og Björn Baldursson sem ritar fundargerð.

### 1. Fjárhagsáætlun 2016

Hafin er undirbúningur að gerð fjárhagsáætlunar fyrir 2016, og verður stuðst við 5 ára áætlun safnsins við gerð hennar.

### 2. Undirritun ársreiknings 2014

Ársreikningur undirritaður af stjórnarmönnum. Athugasemdir komu um nokkra liði sem skoða bæri sérstaklega við gerð fjárhagsáætlunar 2016.

### 3. Breyting á framsetningu launa forstöðumanns

Forstöðumaður óskar eftir að breyting verði gerð á framsetningu launa hjá sér þannig að í stað fastrar yfirvinnu hækki mánaðarlaun sem því nemur. Formanni stjórnar falið að útbúa minnisblað þar að lútandi sem lagt verður fram á næsta fundi.

### 4. Geymslumál safnsins

Safnið hefur leigt húsnæði af Ísafjarðarhöfn í Hafnarhúsinu fyrir fjóra báta, þ.e. Hermóð, Eljuna frá Nesi, Gest frá Vigur og Jóhönnu frá Dynjanda.

### 5. Slippurinn í Neðsta.

Rörás hefur farið í afturkræfar framkvæmdir við Bárðarslipp til að bæta öryggi við upptöku báta og óskar eftir mótframlagi safnsins. Höfð verður hliðsjón af því við gerð fjárhagsáætlunar næsta árs.

### 6. Vélsmiðjan á Þingeyri.

#### A. Orlofsmál Þóris Arnar Guðmundssonar

Þórir óskaði eftir að dagar sem hann ynni um helgar við yfirsetu í smiðjunni færðust sem aukið frí hjá honum, og óskaði hann eftir leiðréttingu frá fyrra ári.

#### B. Ársreikningur 2014

Ganga þarf frá ársreikningi fyrir Vélsmiðjuna fyrir árið 2014

#### C. Breytt heimilisfang og prókúra

Þar sem sú breyting hefur orðið á högum Vélsmiðju GJS að smiðjan hefur verið afhent Byggðasafni Vestfjarða þarf að láta breyta heimilisfangi og prókúru sjálfseignarstofnunarinnar.

### 7. Starfsemi sumarsins 2015

Gestafjöldi á Byggðasafni Vestfjarða í Neðstakaupstað sumarið 2015 var um 13000 gestir. Mikill meirihluti þeirra voru farþegar af skemmtiferðaskipum, og sem fyrr voru Íslendingar í miklum minnihluta eða um 10 %. Gestir í Vélsmiðjunni á Þingeyri voru um 1000.

Verkefnastyrkir á árinu voru 7.750.000kr, og rekstrarstyrkur 1.000.000kr



## 8. Stutt kynning og afhending bókar um byggðasöfn á Íslandi

Stjórnarmönnum afhent bók um byggðasöfn á Íslandi, eftir Sigurjón Baldur Hafsteinsson, þ.á.m. grein um Byggðasafn Vestfjarða sem samin er af Jóni Sigurpálssyni.

## 9. Landshlutfundur um endurskoðaða safnastefnu þjóðmunavörslunnar.

Stjórn var greint frá því að til stendur að halda landshlutfundur um endurskoðaða safnastefnu þjóðminjavörslunnar í byrjun nóvember nk. á Laugum í Sælingsdal og voru stjórnarmenn hvattir til að mæta.

Fleira ekki tekið fyrir og fundi slitið kl 14:30

Gísli Halldór Halldórsson form., bæjarstjóri Ísafjarðarbæjar  
Elías Jónatansson, bæjarstjóri Bolungarvíkurkaupstaðar  
Pétur G. Markan, sveitarstjóri Súðavíkurbrepps  
Jón Sigurpálsson forstöðumaður BSV  
Þórir Örn Guðmundsson, safnvörður  
Björn Baldursson, safnvörður

## 89. fundur. (Ársfundur Byggðasafns Vestfjarða v. starfsársins 2014)

Ársfundur Byggðasafns Vestfjarða haldinn í fundarsal Stjórnsýsluhússins á Ísafirði þann 11 desember 2015 kl 14.

Mættir voru f.h. stjórnar, Gísli Halldór Halldórsson formaður og Elías Jónatansson. Pétur Georg Markan boðaði forföll. Auk þess Jón Sigurpálsson forstöðumaður, Þórir Örn Guðmundsson safnvörður og Björn Baldursson safnvörður sem ritar fundargerð. Aðrir gestir: Jóna Símonía Bjarnadóttir, Inga María Guðmundsdóttir.

Forstöðumaður setti fundinn og stakk upp á Þóri Erni Guðmundssyni sem fundarstjóra og Birni Baldurssyni sem fundarritara. Samþykkt samhljóða.

1. Skýrsla formanns.  
Gísli Halldór Halldórsson flutti skýrslu stjórnar.
2. Skýrsla forstöðumanns.  
Forstöðumaður stiklaði á stóru úr starfsemi safnsins á árinu 2014.  
Formaður stjórnar sagði að breyting væri á leiguformi slíppsins, og unnið væri að lausn geymslumála safnsins í samstarfi við skjala og ljósmyndasafn.  
Nýbygging í Neðstakaupstað er enn á dagskrá og enn er stefnt að samstarfi við Hornstrandastofu. Á næsta ári verður unnið að áframhaldandi samningum um uppbyggingu á nýbyggingunni í Neðsta. ( umræður um fjármögnun framkvæmdarinnar hjá stjórn). 9 milljón króna framlag er líklega í höfn fyrir árið 2016 sem stöðugildi fyrir Hornstrandastofu, og er það hugsað sem kostnaður við sýningu Hornstrandastofu á sýningu um Hornstrandir sem yrði í húsnæðinu.
3. Ársreikningur 2014.  
Helstu tölur: Rekstrartekjur 34 m., tap á rekstri 8 m., rekstrarframlag sveitarfélaga, Ísafjarðarbær, Bolungarvík, Súðavík alls, 23 m. Aðrar tekjur 11 m.  
Alls eru 3 stöðugildi í safninu, auk sumarstarfsfólks.  
Reikningur lagður fram til umræðu.  
Bornir upp og samþykktir samhljóða.

4. Önnur mál.

Engin önnur mál.

Fundi slitið kl 15:00

---

**2016**

**90. fundur.**

55. fundar í stjórn Byggðasafns Vestfjarða föstudaginn 24. júní 2016 kl. 11:00. Fundurinn var haldinn í geymsluhúsnæði safnsins í Neðstakaupstað kl. 11:00 – 13:00. Mættir voru: Gísli Halldór Halldórsson, Elías Jónatansson, Pétur Georg Markan og Jón Sigurpálsson.

**Dagsskrá:**

- 1. Starfsmannamál vegna veikinda Björns Baldurssonar.**  
Forstöðumaður gerði grein fyrir ástandi sem skapast hefur vegna veikinda Björns Baldurssonar og lagði til tímabundnar lausnir sem hugsanlega mætti grípa til fram að endurkomu hans.
- 2. Viðgerð á slipp – millifærsla af fjárhagsáætlun.**  
Forstöðumaður gerði grein fyrir stöðu slippisins, skemmda sem á honum urðu og viðgerðarferli sem átt hefur sér stað. Fundarmenn eru sammála um nauðsyn þess að viðgerð þurfi að eiga sér stað, ekki síst vegna menningarsögulegs mikilvægis og nýtingu sem hluta af varðveislu hans.
- 3. Nýbygging og skipan í sýningarnefnd Hornstrandastofu.**  
Forstöðumaður tilkynnti um skipan sýningastjórnar að væntanlegri sýningu Umhverfisstofnunar og Hornstrandastofu í nýbyggingu safnsins. Í sýningastjórninni eru auk forstöðumanns Byggðasafns Vestfjarða og safnvarðar:  
Þórunn Sigríður Þorgrímsdóttir. Þórunn hefur mikla reynslu í sýningargerð og hefur annast sýningu á vegum Umhverfisstofnunar við Mývatn og á vegum Vatnajökulsþjóðgarð á Kirkjubæjarklaustri, Skaftafelli, Hornafirði og á Skriðuklaustri. Einnig var hún sýningarhönnuður Landnámssýningarinnar í Aðalstræti og sýningar Náttúrufræðistofnunar um Surtsey.  
Andrea Harðardóttir, sagnfræðingur og kennari við Menntaskólann á Ísafirði. Andrea er fulltrúi landeigenda friðlandsins.  
Jón Smári Jónsson er fulltrúi Umhverfisstofnunar.
- 4. Geymslan í Norðurtanga.**  
Guðmundur Fertram Sigurjónsson afhent forstöðumanni lykla að geymslunni 16. júní 2016.
- 5. Starfsemi sumarsins 2016.**  
Farið var yfir það helsta í starfsemi safnsins á sumrinu. Bregðast verður við mikilli aukningu gesta vegna fjölda skemmtiferðaskipa.
- 6. Önnur mál.**

Elíasi Jónatanssyni fulltrúa Bolungarvíkurkaupstaðar í stjórn safnsins var þakkað fyrir farsælt og ánægjulegt samstarf. Elías hverfur úr stjórn þar sem hann hefur tekið að sér verkefni á öðrum vettvangi.

Fundi slitið kl. 13:00

## 91. fundur.

56. fundur í stjórn Byggðasafns Vestfjarða föstudaginn 30. september 2016 kl. 10:00.

Fundurinn var í geymsluhúsnæði safnsins í Neðstakaupstað.

Viðstaddir voru: Jón Sigurpálsson forstöðumaður Byggðasafns Vestfjarða, Gísli Halldór Halldórsson bæjarstjóri Ísafjarðarbæjar, Pétur Georg Markan sveitastjóri Súðarvíkurhrepps, Jón Páll Hreinsson Bæjarstjóri Bolungarvíkur og Helga Þórsdóttir safnstjóri Byggðasafns Vestfjarða.

1. Nýr starfsmaður Helga Þórsdóttir kynnt og boðin velkomin til starfa.
2. Gerð grein fyrir starfsemi sumarsins 2016.
3. Nýbygging og skipan sýningarnefndar Hornstrandastofu.
4. Fjárhagsáætlun 2017.
5. Önnur mál.
6. Hádegisverður í Tjöruhúsi.
  1. Jón Sigurpálsson kynnir Helgu Þórsdóttur sem ráðinn hefur verið til að leysa stöðu Björns Baldurssonar af til eins árs. Jón fer aðeins yfir líðan og batahorfur Björns.
  2. **A)** Gestaheimsóknir safnsins voru um 15.580, íslenskir gestir eru einungis 295 árið 2016.  
**B)** Helga segir frá þeirri áætlun safnsins að hanna viðburðadagskrá aðallega tengda Harmónikkusafninu veturinn 2016 – 2017. Markmið dagskránnar er m.a að fjölga notendum safnsins úr nærumhverfinu, ásamt því að gera hljóðupptökur með hljóðfærum safnsins. Þannig gæti safnið framleitt CD sem seldur yrði á safninu sem minjagripur.  
**C)** Einnig var sumarsýningin rædd, byggðarsafnið áformar að setja upp sýningu þar sem baráttukonan Karitas verður aðal viðfangsefni sumarsins 2017.
  3. Skipulagt hefur verið að panta efni í nýbyggingu frá Noregi nú um áramót 2016-2017. Þessi áform virðast koma Pétri og Jón Páli í opna skjöldu þ.e,a,s fjármögnun verkefnisins.  
**A)** Framkvæmdin er háð því að Íslenska ríkið standi við sinn hlut, samningarnir eru þess efnis að ríkið standi straum af kostnaði sem nemur einu stöðugildi hjá Hornstrandarstofu. Staðan hefur verið á fjárlögum núna í 2 ár.  
**B)** Skipting kostnaðar við framkvæmd og rekstur fyrirhugaðar nýbyggingar er ekki alveg skýr. Gísli er beðin um að taka saman byggingarkostnað og að sýna hvaðan og hvernig fjármögnun verður háttáð. Einnig skiptingu fjármagns á milli bæjarfélaga.
  4. Verðlagning rædd, samþykkt er að hækka nefskatt um 8% og mun skatturinn nema 5400 KR á næsta ári. Einnig var aðeins rætt um aðrar leiðir í

verðlagningu eins og menningarkort fyrir íbúa, safnkort...? **A)** Jón útskýrir rekstur smiðjunar á Þingeyri og fyrirhugaðrar starfsemi þar t.d er smiðjan í samstarfi við Listaháskóla Íslands sem mun halda 2 námskeið þar á næstu misserum.

5. Súðavík ætlar að taka að sér (fóstra) plötusafn Sigurjóns Samúelssonar. Beðið er um samstarf við Byggðarsafn Vestfjarða í því máli, sem er samþykkt.

Fundi slitið kl. 12:00

Gísli Halldór Halldórsson, form.  
Jón Páll Hreinsson  
Pétur Georg Markan  
Jón Sigurpálsson forstöðumaður  
Helga Þórsdóttir safnstjóri.

## 92. fundur

Miðvikudaginn 29. mars 2017, kl. 10:00 var haldinn fundur í stjórn Byggðasafns Vestfjarða í geymsluhúsnæði Byggðasafnsins í Neðstakaupstað. Mættir voru Gísli Halldór Halldórsson form. stjórnar, Jón Páll Hreinsson og Pétur Georg Markan. Einnig sátu fundinn, Jón Sigurpálsson forstöðumaður og Helga Þórsdóttir starfsmaður safnsins sem ritar

### Dagsskrá

#### 1. Helga Þórsdóttir kynnir nýjar sýningar safnsins í Turnhúsi og safnahúsi.

*Fundarmenn fögnuðu væntanlegri sýningu Ekki komu fram athugasemdir við þennan lið, að öðru leiti en að mögulega gæti Harmónikkusafn Ásgeirs S Sigurðssonar, fengið framtíðar sýningarrými með plötusafni Samúels á Hrafnabjörgum.*

#### 2. Gerð verður grein fyrir fyrirhugaðri starfsemi sumarsins 2017.

*Sagt var frá áætlaðri fjölgun gesta, Byggðasafn Vestfjarða gerir ráð fyrir um 20.000 notendum sumarið 2017. Safnið mun þurfa 3 starfsmenn næsta sumar, vegna fyrirséðar fjölgunar gesta. Auka starfsmaðurinn sem ráðinn er, heitir Snjólaug Baldursdóttir, 17 ára gömul.*

*Byggðasafn Vestfjarða gerir ekki ráð fyrir að, ráðning þessi muni hafa áhrif á fjárhag safnsins, þar sem hún mun fækka yfirvinnutímum starfsfólks sem er á hærri launum.*

*Ekki er gert ráð fyrir aukastarfsmanni í fjárhagsáætlun, þar sem bókanir fyrir sumarið 2017 lágu ekki fyrir þegar hún var gerð.*

#### 3. Fyrirhuguð verkefni við nýbyggingu og sýning Hornstrandastofu.

*Jón Páll gerði athugasemdir síðasta sumar á fundi stjórnar og benti á að formlega hafi þátttaka Bolungarvíkur í leigu nýbyggingar ekki verið samþykkt:*

*Gísli Halldór segir að nýbygging fyrir Byggðasafnið, Upplýsingamiðstöð og Hornstrandastofu sé á fjárfestingaáætlun Ísafjarðarbæjar árin 2018 og 2019. Byggingaráform miðast við að Byggðasafn Vestfjarða leigi hluta hússins af Ísafjarðarbæ undir starfsemi safnsins og að hluti þess rýmis verði nýtt undir sýningu sem Umhverfisstofnun mun fjármagna en Byggðasafnið sinna. Jón Páll Hreinsson, fulltrúi Bolungarvíkurkaupstaðar, hefur áður lýst því að frekari upplýsingar þurfi að koma fram um þann kostnað sem lendir á Byggðasafninu vegna leigunnar, áður en stjórn Byggðasafns Vestfjarða getur samþykkt þátttöku í leigu húsnæðisins.*

**4. Málefni smiðjunnar á Þingeyri.**

*Smiðjan er safninu erfið eining. Rekstrarformið þ.e. sjálfseignarstofnun hentar illa og er þungt í vöfum. Eðlilegast væri leysa upp sjálfseignarstofnunina og smiðjan verði eins og einn munur í safnkostinum. Mannahald yrði þá ákveðið eftir umfangi. Forstöðumanni falið að kanna grundvöll breytinga og boða til fundar sjálfseignarstofnunarinnar.*

**5. Geymslumál safnsins.**

*Eins og kunnugt er þá sagði forstöðumaður upp geymsluhúsnæðinu í Norðurtanga. Ástæður þess eru að húsnæðið var of dýrt og hefði bitnað á annarri starsemi safnsins. Forstöðumaður sagði frá vettvangsskoðun til Súðavíkur og geymsluhúsnæði að Langeyri skoðað. Góð stemning var fyrir valkostinum og ákveðið að vinna frekar með hann.*

**6. Málefni Maríu Júlíu.**

*María Júlía er orðið langt og erfitt verkefni. Hafnarstjóri hefur tilkynnt að þörf sé fyrir viðlegukant Maríu. Leitað hefur verið til Súðavíkurhafnar að taka við skipinu. Unnið er að úrlausn verkefnisins og ýmislegt verið rætt um framtíð hennar. Óbreytt ástand er óásættanlegt. Forstöðumaður upplýsti nýja vendingum í málefnum Maríu Júlíu. Fram hafa stigið fjárfestar sem hafa áhuga á, að laga og reka Maríu Júlíu. Stjórnarmenn leggja áherslu á að fylgst sé vel með framgangi málsins. Von er á nákvæmari fréttum í apríl.*

**7. Slippurinn (Bárðarslippur)**

*Eins og fram hefur komið er Slippurinn í eign Ísafjarðabæjar, en hefur verið í umsjá Byggðasafns Vestfjarða, sem hefur þungar áhyggjur af ástandi og afdrifum hans en safnið hefur sett umtalsverða fjármuni í viðgerð hans. Einnig sagði forstöðumaður frá þeirri staðreynd að töluverður áhugi er fyrir slippnum og nokkrar fyrirspurnir borist. Ekki fékkst niðurstaða um málefni slippisins á þessum fundi.*

**8. Ársfundur fyrir árin 2015 og 2016.**

*Stefnt er að efna til hans fyrir sumarbyrjun.*

## 9. Fjármál ársins 2017.

*Framkvæmdastjóri lagði fram fjárhagsáætlun fyrir árið 2017, þar sem fram kemur, að safnið hefur dregið töluvert úr kostnaði með sparnaðaraðgerðum á þessu ári. Áfram verður leitað leiða til hagræðingar og tekjuöflunar.*

***EKKI KOMU SÉRSTAKAR ATHUGASEMDIR AÐRAR VIÐ ÞENNA LIÐ. UPPFÆRÐ FJÁRHAGSÁÆTLUN VERÐUR SEND TIL ALLRA STJÓRNARMANNA.***

## 10. Önnu mál.

*Ekkert kom fram undir þessum lið er varðar málefni safnsins, fundarlok 14:30.*

Gísli Halldór Halldórsson, form.  
Jón Páll Hreinsson  
Pétur Georg Markan  
Jón Sigurpálsson forstöðumaður  
Helga Þórsdóttir safnstjóri.

## 93. fundur.

fundar í stjórn Byggðasafns Vestfjarða þriðjudaginn 3. október 2017 kl. 09:00. Fundurinn verður á skrifstofu Gísla Halldórs Halldórssonar í Stjórnsýsluhúsinu.

### 1. Starfslok forstöðumanns.

- Uppsögn miðuð við starfslok 1. mars 2018.
- Forstöðumaður óskar eftir 20% stöðu a.m.k. í 1 ár.
- Auglýsa eftir nýjum forstöðumanni í desember 2017.

### 2. Lagt er til að breyta mannhaldi safnsins á ársgrundvelli. Sjá væntanlega launaáætlun hjá launadeild.

- Auglýst eftir forstöðumanni 100%.
- Ráða starfsmann safnsins í 50% stöðu.
- Starfshlutfall Þingeyrar minkað í 50%.
- Sérfræðingur í 25% stöðu (Jón Sigurpálsson - a.m.k. 1 ár).
- Skráningarvinna í 25% stöðu (Sara Björgvinsdóttir).  
Um er ræða 250% starfshlutfall hjá safninu auk þriggja sumarstarfsmanna á Ísafirði og einn sumarstarfsmaður á Þingeyri þ.e. um 4,25%.

### 3. Fjárhagsáætlanagerð 2018.

Allt bókhald og innheimta safnsins er og verður í höndum Ísafjarðarbæjar. Unnið hefur verið að einföldun þess og laga það að kerfi sem Ísafjarðarbær viðhefur s.s. í samþykkt reikninga og annað.

- Endurskoðun á framlagi eigenda.
- Smiðjan á Þingeyri. Senda gefendum þakkarbréf.

### 4. Nýbyggingin

Áætlað er að hefja framkvæmdir 2018. Aðilar að húsinu eða leigjendur verða eftir reiknuðu notkunarhlutfalli:

- I. Hornstrandastofa. Byggðasafnið sér um rekstur sýningarinnar og tekur aðgangseyrir. Umhverfistofnun kostar uppsetningu og hönnun og hefur einn eða fleiri starfsmenn á skrifstofu.
- II. Upplýsingamiðstöð
- III. Byggðasafn Vestfjarða

**5. Geymslumál safnsins – ýmsir valkostir.**

- a) Kaup á geymslu í hafnarhúsinu 171 m<sup>2</sup> (Suðurgata 8) með lántöku afborganir 800 þúsund á ári.
- I. Standsetning húsnæðis s.s. milligólf, lagnir. Bruna- og þjófavörn. o.fl. 5.000.000,- (Stofnkostnaður)
- II. Rekstur húsnæðisins. Samtals kr. 1.000.000,-/ mán.
  - b) Leiga í Norðurtanga. (3.600.000,- á ári)
  - c) Leiga eða kaup á Langeyri.
  - d) Nýbygging í Suðurtanga. Vestfirskir verktakar hyggjast byggja iðnaðarhúsnæði á reit gegnt steypustöðinni. Samkvæmt upplýsingum munu 3 bil (210m<sup>2</sup>) kosta um 26.000.000,-.
  - e) Bátaskýli fyrir 3 báta í porti Neðstakaupstaðar. Það er orðið ljóst að geymslan í Hafnarhúsinu hentar ekki sem bátageymsla. Húsnæðið er of heitt og loftlaust þannig að bátviður springur. Ákjósanlegasta geymsla fyrir báta er óþétt skýli með þaki sem kemur í veg fyrir að rigni og fenni ofan í bátana, þ.a.l. þarf mannvirkið ekki að vera dýrt. Það er hinsvegar álitamál hvar svoleiðis mannvirki ætti að vera staðsett.

**6. Breytingar á opnunartíma árið 2018.**

Opið verður alla daga yfir sumarið frá 9 – 17.

- a) Safnið hefur verið opið frá kl. 9 – 18 alla daga yfir sumartímam um nokkurra ára skeið, helgaðist það af brottför skipana hér áður. Lagt er til að fækkað verði um 5 yfirvinnuklukkustundir á viku. (Ekki verður hjá 16 yfirvinnutímum komist um helgar).
- b) Opnunartími smiðjunnar á Þingeyri verður endurskoðaður. Opið verður virka daga kl. 9:00 til 17:00.

**7. Ráðnir verða 3 sumarstarfsmenn við yfirsetu.**

- a) Tveir verða við vinnu í Neðstakaupstað. Einn vinnur venjulega dagvinnu á virkum dögum (9-5) 40 stunda vinnuvika. Hinn vinnur helgarvinnu þ.e. (9 – 5) 16 yfirvinnutíma á viku.
- b) Á Þingeyri verður einn starfsmaður í 40 stunda vinnuviku og smiðjan lokuð um helgar nema unnið sé í henni og þá í samstarfi við leigjendur.

**8. Smiðjan á Þingeyri.**

Eignarhaldi smiðjunnar á Þingeyri hefur verið breytt, sjálfseignarstofnunin hefur verið lögð niður og smiðjan alfarið í eigu safnsins. Einn merkilegasti safngripurinn ef svo má segja. Með þessu verður allt utanumhald einfaldara. Horft er meira til notkunarmöguleika smiðjunnar þ.e. að leigja til iðn- og listafólks og hönnuða og þá með samstarf um sýningarhald að hluta.

- a) Listaháskóli Íslands.
- b) SÍM (Samband íslenskra myndlistarmanna).
- c) Iðnaðarmenn, hönnuðir og listamenn á svæðinu.

- d) Aðstaða fyrir sérverkefni í málbræðslu.
- e) Kennsluaðstaða málmíðnaðarbrautar MÍ

**9. Slippurinn (Bárðarslippur) í Neðstakaupstað.**

- a) Búið er að vinna að viðgerð fyrir rúmar 4 milljónir. Áður var safnið búið að vinna að viðgerð spilhúss og dráttarbrautar fyrir um 8 milljónir. Arfur Hjálmars Bárðarsonar.
- b) Áætlaður viðgerðarkostnaður til að fullklára verkið er um 4 – 5 milljónir.

**10. Bátar safnsins**

**I. María Júlía.**

Staða hennar er óljós en unnið er að samstarfi margra aðila að koma henni til viðgerðar og rekstrar vísindaferðamennsku.

**II. Sædís.**

Sædís er eina „Dísín“ sem til er. Hún er nánast uppgerð að fullu. Ítrekað hefur verið sótt um styrk til lokafágangs en ekki gengið hingað til. Áætlaður kostnaður 7.000.000,-

**III. Örn**

Báturinn er eini bátur safnsins smíðaður af Marsellíusi Bernharðssyni á Ísafirði 194. Hann er í bágu ásigkomulagi en þó ekki vonlausu.

**IV. Tóti**

Tóti er svokallaður „Falsbátur“ og er fyrsti bátur sem Einar Guðfinnsson í Bolungarvík lét smíða fyrir sig. Hönnun hans miðar við að hann var tekinn á land eftir hvern róður. Tóti er strangt til tekið ónýtur.

**V. Gunnar Sigurðsson.**

Er einn af örfáum Bátalónsbátunum sem eftir eru. Báturinn er í góðu ásigkomulagi.

**VI. Gestur**

Gestur frá Vigur er elsti vélbátur landsins byggður 1906. Er í góðu ásigkomulagi.

**VII. Jóhanna**

Er gott eintak af „Falsbát“ frá 1929. Og bát sem var við veiðar í Ísafjarðardjúpi eftir vélvæðingu. Lítilsháttar vinna vanta upp á til að fullklára bátinn.

**VIII. Elja.**

Árið 2012 fékk Byggðasafn Vestfjarða afhenta trilluna Eljuna frá Nesi í Grunnavík. Eljan er fallegur bátur, sem var smíðaður árið 1942 af bræðrunum í Nesi í Grunnavík, þeim Magnúsi og Sigurði Elíassonum, þekktum völundum. Eljan er smíðuð með s.k. hleradekki og er því ekki með alveg hefðbundnu sniði. Eljan þarfnast viðgerðar sem eftir er að meta.

**IX. Hermóður.**

Báturinn var smíðaður af Fali Jakobssyni í Bolungarvík og sonum hans, Jakobi og Sigmundi, árið 1928. 1930 eignast Hermann Hermannsson á Svalbarði í Ögurvík bátinn. Gerði hann bátinn út frá Ögurvík til ársins 1945 en frá Ísafirði til 1956. Hermóður þarfnast viðgerðar sem eftir er að meta.



**X. Rán.**

Rán er 1,6 brl. trilla úr furu, smíðuð á Ísafirði árið 1955 af Jakobi Falssyni bátasmið fyrir Albert Rósinkarsson á Ísafirði. Rán er með sk. hleradekk, þ.e. báturinn er ódekkður en hægt er að loka miðrúmi bátsins með þar til gerðum hlerum. Rán í viðgerð hjá Valdimar Elíassyni á Þingeyri.

**XI. Aðrir bátar:**

- a) Ögri sexæringur í eigu Þjóðminjasafns Íslands.
- b) Þór fjórróinn bátur í eigu Þjóðminjasafns Íslands.
- c) Jörundur Grásleppubátur af Ströndum. Ónýtur.
- d) Stundvís. Er í umsjá fjölskyldu Páls Pálssonar Hnífsdal.

**XII. Fyrirspurn frá Þjóðminjasafni Íslands.**

*Norðurljósið var smíðað í Bolungavík 1939 af Sigmundi Falssyni og er 7 metra langt, súðbyrt með þilfari, kappa og niðurfelldu mastri.*

*Undanfarið hefur Þjóðminjasafnið verið að fara yfir sína gripi og hefur sumum verið ráðstafað á önnur söfn, eins og t.d.*

*samgöngusafnið í Skógum. Hefði Byggðasafn Vestfjarða hugsanlega áhuga á að fá Norðurljósið til sín ef sú staða kæmi upp? Báturinn er*

*að vísu mikið farinn að láta á sjá og þarfnast skoðunar af bátasmið og viðgerðar í kjölfarið. Möguleiki er að sækja um styrk í*

*fornminjasjóð en hæstu styrkveitingar þar hafa verið 3-4 milljónir. Báturinn er nýtur friðunar vegna aldurs sem ætti að auka líkur á styrk.*

*Ég er fyrst og fremst að kanna viðbrögð af hálfu Byggðasafnsins og væri gott að fá línu frá ykkur innan tíðar.*

*Kv., Ágúst Georgsson*

**94. fundur.**

Stjórnarfundar Byggðasafns Vestfjarða fimmtudaginn 2. nóvember 2017 kl. 11:00 á skrifstofu bæjarstjóra Ísafjarðarbæjar.

Viðstaddir voru: Gísli Halldór Halldórsson, bæjarstjóri Ísafjarðarbæjar, Pétur Markan, sveitastjóri Súðarvíkurshrepps, Jón Páll Hreinsson, bæjarstjóri Bolungarvíkurkaupstaðar. Einnig er viðstaddur Jón Sigurpálsson forstöðumaður Byggðasafns Vestfjarða og Helga Þórsdóttir sérfræðingur hjá Byggðasafni Vestfjarða. Fundastjóri: Gísli Halldór Halldórsson, bæjarstjóri Ísafjarðarbæjar.

**1. Lagðir fram endurskoðaðir ársreikningar 2015 og 2016.**

Upp kom vafi á hvort reikningarnir væru endurskoðaðir. Helga Þórsdóttir, kallaði til Eddu Maríu Hagalín, fjármálastjóra Ísafjarðarbæjar, sem staðfesti að reikningarnir væru endurskoðaðir hjá Endurskoðun Vestfjarða EHF.

Reikningarnir voru því undirritaðir af öllum stjórnarmönnum, þegar kom að liðnum önnur mál.

Fram kom að stjórn óskar eftir að ársfundur verði haldin eins fljótt og kostur er.

**2. Forstöðumaður rekur ástæður þess að rekstur og staða Byggðasafns Vestfjarða er í óásættanlegum málum, halli undanfarinna ára mikill og skuldir um 40 milljónir króna.**

„Á fundi stjórnar byggðasafns Vestfjarða, þann 18. okt. 2017, voru stjórnarmenn upplýstir um slæma fjárhagstöðu Byggðasafns Vestfjarða skv. ársreikningum fyrir árin 2015 og 2016, sem höfðu þá enn ekki verið lagðir fram til kynningar í stjórn. Í ársreikningunum kemur fram að uppsafnað rekstrartap safnsins er um 24 milljónir á þessum tveimur árum, 7 milljónir 2015 og 17 milljónir árið 2016.

Bág staða safnsins varð ljós í upphafi ársins 2017 þegar fjármálastjóri Ísafjarðarbæjar skýrði forstöðumanni og formanni stjórnar frá niðurstöðu ársreiknings 2015 og að alvarleg mistök hefðu verið gerð í fjárhagsáætlunum árána 2016 og 2017. Voru fjárhagsáætlanir rangar í veigamiklum atriðum.

Framlagðir ársreikningar fyrir árin 2015 og 2016 á fundi stjórnar þann 2. nóvember staðfestu síðan slæma fjárhagslega stöðu safnsins og er eigið fé samkvæmt þeim neikvætt um 32 m.kr. Skuld safnsins við rekstraraðilann, Ísafjarðarbæ, samkvæmt ársreikningi er 38 m.kr. Þessu til viðbótar er óbókuð lífeyrisskuldbinding uppá um 30 m.kr. en hún hefur fram til þessa verið færð sem skuldbinding hjá Ísafjarðarbæ, þrátt fyrir að vera tilkomin vegna launa hjá byggðasafninu.

Búast má við að yfirstandandi ár verði einnig gert upp með halla og að eigið fé, a.t.t. til lífeyrisskuldbindinga, verði neikvætt uppá allt að 75 m.kr. í lok árs 2017.

Það liggur því fyrir að fjárhagsleg staða safnsins er slæm og skuldir við Ísafjarðarbæ miklar. Staða safnsins og ófærðar lífeyrisskuldbindingar var ekki kynnt fyrir öðrum stjórnarmönnum fyrr en á stjórnarfundum 18.okt. sl.

**Skýringar forstöðumanns á slæmri stöðu safnsins eru eftirfarandi:**

1. Bókahaldslegur hringlandaháttur.
  - i. Formaður stjórnar/bókhaldið. (Endursk. Guðm. Kjartanss.)(1984-1995)
  - ii. Starfsmenn /bókhald/Sparisj. Vestf. (Endursk. Guðm. Kjartanss.)(1996-2004)
  - iii. Ísafjarðarbær (erindisbréf stjórnar)(Endursk. Vestfjarða)(2005-2015)
  - iv. Smali (Endursk. Vestfjarða) (2016)
  - v. Ísafjarðarbær (Endursk. Vestfjarða) (2017)
2. Ófullnægjandi upplýsingaflæði á rekstri á milli stjórnar og forstöðumanns og bókhalds.
3. Vanáætlun á launaliðum, launaskriðs og ófyrirsjáanlegra áfalla í starfsmannahaldi sem og ófullnægjandi upplýsingaflæði.
4. Ófyrirséður kostnaður vegna aukinna verkefna (Vélsmiðja G.J. á Þingeyri)

5. Ófyrirséður kostnaður vegna aukinna verkefna (Slippurinn í Neðstakaupstað, óhapp)

Forstöðumaður leggur til að:

6. Fengnir verða fagaðilar til að fara yfir bókhald og skipulag safnsins frá árinu 2005 til 2017. Forstöðumaður nefnir t.d. söluna á nýbyggingu til Ísafjarðarbæjar og hvernig viðskiptin hafa verið.
7. Unnin verði áætlun um framtíð þessa 76 ára safns og komist verði að niðurstöðu um hvað eigendurnir vilji með það.

Bókun stjórnar vegna tillögu merkt 6 og 7:

Stjórn óskar eftir að þessi mál verði rædd frekar á árinu 2018 um leið og stefna og uppbygging safnsins verði endurskoðuð.

### 3. Fjárhagshorfur 2017.

Fjárhagshorfur 2017 gera ráð fyrir 7,5 milljóna króna tapi. Fjármálastjóri Ísafjarðarbæjar gerði forstöðumanni grein fyrir því í janúar að drög að fjárhagsáætlun 2017 stæðust engan veginn. Starfsmenn Byggðasafns brugðust þá við með því að draga úr útgjaldaáformum en niðurstaðan er engu að síður sú sem að framar greinir.

### 4. Drög að fjárhagsáætlun 2018.

Stjórn Byggðasafns telur nauðsynlegt að fjárhagsáætlun ársins 2018 sýni 5 milljóna króna rekstrarafgang og óskar eftir að slík áætlun verði lögð fram á stjórnarfundi.

### 5. Nýbyggingin

- a. Áætlað er að hefja framkvæmdir 2018. Aðilar að húsinu eða leigjendur verða eftir reiknuðu notkunarhlutfalli:
- b. Hornstrandastofa. Byggðasafnið sér um rekstur sýningarinnar og tekur aðgangseyrir. Umhverfistofnun kostar uppsetningu og hönnun og hefur einn eða fleiri starfsmenn á skrifstofu.
- c. Upplýsingamiðstöð.
- d. Byggðasafn Vestfjarða.

Umræðu um málið frestað. Bent er á að málið varðar mjög stefnumótun safnsins sem ætlunin er að vinna í á næsta ári. Óskað er eftir upplýsingum um kostnað/tekjur til Byggðasafns af þátttöku í Hornstrandastofu sem fjalla megi um á stjórnarfundi.

### 6. Geymslumál safnsins – ýmsir valkostir.

- a. Leiga í Norðurtanga (1402). 3.600.000,- á ári (verð 2016).
- b. Nýbygging við Æðartanga í Suðurtanga. Vestfirskir verktakar hyggjast byggja iðnaðarhúsnæði á reit gegnt steypustöðinni. Samkvæmt tilboði munu 250m<sup>2</sup> kosta í leigu um 3.720.000,-. Vestfirskir hafa gert tilboð um leigu eða kaup.

Geymslumál þarf að skoða í samhengi við fjárhagsáætlun 2018. Umræðu frestað.

## 7. Önnu mál.

Fundamenn skrifa undir endurskoðaða reikninga, fundarlok 12:30.

Gísli Halldór Halldórsson, skrifaði uppkast að fundagerð. Helga Þórsdóttir, endurskrifaði og sendir fundagerð út til umsagnar.

Gísli Halldór Halldórsson  
Jón Páll Hreinsson  
Pétur Georg Markan  
Jón Sigurpálsson  
Helga Þórsdóttir

## 95. fundur.

stjórnarfundar Byggðasafns Vestfjarða fimmtudaginn 23. nóvember 2017 kl. 10:00 á skrifstofu bæjarstjóra Ísafjarðarbæjar.

Mættir voru Gísli Halldór Halldórsson bæjarstjóri Ísafjarðarbæjar, Jón Páll Hreinsson bæjarstjóri Bolungarvíkurkaupstaðar, Pétur Georg Markan sveitarstjóri Súðavíkurhrepps, Jón Sigurpálsson forstöðumaður og Helga Þórsdóttir safnstjóri.

### 1. Fjárhagsáætlun 2018

- a. Stjórn samþykkir framlagða áætlun sem gerir ráð fyrir afgangi upp á 5,3 m.kr. Áætlunin gerir ráð fyrir að framlag aðildarsveitarfélaga verði alls 27.000.000,- sem skiptist milli sveitarfélaga eftir íbúatölu og óskar stjórnin eftir að sveitarfélögin samþykki samsvarandi fjárhæðir í sínum fjárhagsáætlunum.
- b. Fjárhagsáætlun 2018 skal endurskoðuð á stjórnarfundum Byggðasafnsins í apríl 2018.
- c. Stjórnin óskar eftir að fá yfirlit yfir þær lífeyrisskuldbindingar sem fallið hafa á byggðasamlag um Byggðasafn Vestfjarða í gegn um tíðina en hafa ekki verið færðar í ársreikning.

### 2. Nýbygging í samstarfi við Umhverfisstofnun (Hornstrandastofa)

Stjórn óskar eftir að gerð verði viðskiptaáætlun um aðkomu Byggðasafns Vestfjarða að væntanlegri nýbyggingu og lögð fyrir stjórnina.

### 3. Geymslumál

Málinu frestað til endurskoðunar fjárhagsáætlunar í apríl 2018.

### 4. Önnur mál

- a) Ársfundur Byggðasafns Vestfjarða 22. Eða 23. Nóvember 2017. Forstöðumanni falið að boða eigendur byggðasamlags um Byggðasafn Vestfjarðar til ársfundar einhvern tíma á bilinu 6. Til 8. Desember.
- b) Kynning á Maríu Júlíu.

Unnið er í að koma málum hennar í framtíðfarveg.

Ísafjörður 23.11. 2017

Gísli Halldór Halldórsson  
Jón Páll Hreinsson  
Pétur Georg Markan  
Jón Sigurpálsson  
Helga Þórsdóttir

## Fundur 96

Ársfundur Byggðasafns Vestfjarða 7.12.2017, klukkan 10:00. Fundurinn fór fram á skrifstofu bæjastjóra Ísafjarðarbæjar  
Mættir voru: Gísli Halldór Halldórsson bæjarstjóri Ísafjarðarbæjar, Jón Páll Hreinsson bæjarstjóri Bolungarvíkurkaupstaðar, Pétur Georg Markan sveitarstjóri Súðavíkurhrepps,  
Jón Sigurpálsson forstöðumaður og Helga Þórsdóttir safnstjóri.

5. **Lagðir fram endurskoðaðir ársreikningar safnsins fyrir árin 2015 og 2016.**  
Engar athugasemdir komu fram við ársreikninga safnsins. Allir viðstaddir höfðu kynnt sér reikningana áður og þeir undirritaðir.
6. **Fjárhags- og starfsáætlun fyrir komandi starfsár.**  
Engar athugasemdir komu fram við þennan lið. Forstöðumaður Byggðasafns Vestfjarða upplýsti fundinn um að staða safnvarðar á Þingeyri er lögð niður að uppsagnarfresti Þóris Arnars Guðmundssonar liðnum.
7. **Styrkumsóknir næsta árs kynntar.**
  - Safnasjóður - 4 umsóknir.**
    - a) Áframhald sýningarinnar „ég var aldrei barn“
    - b) Munur og mynd
    - c) Félagstíðindi við Djúp
    - d) Smiðjan á Þingeyri.
  - Sóknaráætlun – 4 umsóknir.**
    - a) Áframhald sýningarinnar „ég var aldrei barn“ II hluti
    - b) Munur og mynd.
    - c) Smiðjan á Þingeyri
    - d) Einnig var sótt um fyrir Maríu Júlíu (Áhugafélag um MJ)  
Kynningarmál
  - Fornleifasjóður – 5 umsóknir.**
    - a) Sædís
    - b) Rán
    - c) Elja frá Nesi
    - d) Jóhanna frá Dynjanda

- e) Einnig var sótt um fyrir Maríu Júlíu (Áhugafélag um MJ).  
Ekki komu fram athugasemdir við þennan lið.

**8. Önnur mál**

Ekki kom margt fram hér annað en að geymslumál safnsins voru rædd lítillega, ásamt fyrirhugaðri nýbyggingu og þátt Byggðasafns Vestfjarða innan þess ramma.

Ísafjörður 07.12. 2017  
Gísli Halldór Halldórsson  
Jón Páll Hreinsson  
Pétur Georg Markan  
Jón Sigurpálsson  
Helga Þórsdóttir